

7. Dr Refrut.

Fr'sch Boterland zun heiling Straat
Wur' aah dr Schof-Görg ei'geflaadt;
„Freiwillig miet gezwunge“
Dacht' aar wie Goldschmieds Gunge.

Erscht muss'r larne orndlich stih',
Doch 's arme Thier hatt' frumme Knie';
Dr Korperal thät' futtern,
Doss oft de Aard' thät' schuttern.

„Du Sackermanter! stih' gerod!
Mordselement, es is fr'n Stoot!
Erscht muss sich Jeder zwinge,
Nooch ka' mr'sch aah weit bringe!“

— „Ja, waar net frumme Knochn hot,
„Daar stiht vu' ganz allee' gerod;
„Doch will iech miech schu zwenge,
„Doss iech's racht weit ka' brenge.“

Ball kam aah's Rachts- un Linksim dra':
Doss sohch sich nu sei lustig a'!
'r funnt sich net nei'fign
Un thät drbaarmlich schwizn.

'Ne Korperal half Nischt sei Fluhng',
Aar wollt's off annre Art versuhng
Un frögt 'n Görg: „O Himm'l!
„Hast du ä Harz, du Lümmel?“